

金鎖流珠引卷之一

華嚴經卷第五十 華嚴經卷第五十 華嚴經卷第五十

中華仙人 李 津 風 註

三五步綱引

夫步綱者是強身健神壯魄之法也先從地紀堅勞其身壯健其神神自然鎮藏然後通天地感使神靈也註此法一能治其身二有餘力救治於人用之速於水火老君授太虛上靈飛晨中央黃老道君以作地紀形七斗註斗七星之形也從本生命五苦之地出長生註五苦者五運之所算也假令金命人命在巳巳為長生死在子墓在子子為五苦從五苦步出長生故曰出死入生木命人命在亥亥為長生死在午墓在午午未為五苦水命人命在申申為長生死在卯墓在辰卯辰為五苦火命人命在寅寅為長生死在酉墓在酉酉戌為五苦土命人命與水命人同用其五苦命皆取死墓為五苦取衰病為八難九厄也上古真仙皆教人行此法此謂度五苦八難消九厄治百病師前引弟子登也

後聖君引方諸大童君小童君出五苦入長生記又從生入王相註金命人生於巳王在酉木命人生於亥王在卯水命人生於申王在子火命人生於寅王在午土命與水命同葬用之五姓皆不能相剋以消五行相害之災又告王張註王是雌真張是天師一真曰夫人者身從五行始生亦從五行所滅吾知之早矣況知之晚亦被所刑害也皆先作禹步躡地紀順倒返三等丁誦五行祝消之一年消災矣註五行祝在金鎖流珠上卷第一○中有五首先行東向為天鼓三十六通勅身如法發壇出官坐思頭太一府訖即立思持出吏兵如圖左右配衣七斗周匝天配衣出官訖步綱步綱畢即誦祝五首破五行相剋畢又步綱五斗周匝誦十二首咒以剋支干等一十二神取長生消五行災言一年辟非二年辟兵三年辟鬼四年成地仙子害萬邪眾莫敢干自此已往福慶无端致神使靈馭駕飛龍太極賜芝玉帝給童行之二七年為上清真人註此說言金鎖上卷先行用後方

便修行天網飛步之法即得依前行後聖君言若早行天網未必便辟非矣此法應須前行地紀後修行天網即可有憑據此法若行天網不行地紀都無通靈之應昔上古廣成君教黃帝飛行天網試之三十年不通靈帝再求之方與金鎖流珠金籙第一論地紀修行之事一年之內用收鬼神无不如意二年滅童尤三年力可以搏虎豹二七年能分形變萬端二十八年上昇矣夫人雖天生地養種植皆地為基何忽求之无地所立報源壇○基便作天法如樓臺之无基可自得浮空而立也前聖後聖皆親降見引教弟子行事也註師引弟子登綱度五苦八難訖即令與弟子配著七斗如似衣謂之配衣也師與弟子左右配衣註男先從左發女先從右發

第一斗陽明星註左手為魁蓋頭左肘為魁左肩為魁心為魁右肩為魁右肘為魁右手為魁是也一斗成子生人主之平倚舉手覆頭上註禁始止凶人惡鬼使右手指之隨禁捨訣訣在掌訣中行初配衣於身未用便繫

指註開即未用急時便即得連於水火

**第二陰精星** 註右手為魁右肘為魁右肩為

魁心為魁左肩為魁左肘為魁左手為魁二

斗成丑亥生人主之平倚舉右手覆頭上註

禁蛇虎豹鬼物毒獸凶惡鬼神以用魁手祀

魁星一一指之如人前但轉手的身用之配

星者斗之左右以著星忽急用便獲如闕未

即用之為上上便到七星用更速驗也

**第三真人** 大生註左手為魁左肘為魁左肩

為魁心為魁右肘為魁右膝為魁右足為魁

**三斗成寅戌生人主** 之註王之或寅戌生人

行之或寅戌生人求長生或被入謀解之成

加彼惡人鬼祟虎狼猛獸山鬼毒神妖怪之

人鬼但來於東方寅西方戌地等至來者檢

都監訣使第三真人星觸擊之皆自伏死如

若有敵來者左手為魁蓋頭右手為魁指之

自伏不伏被北斗飲血不逾旬日而自卒心

痛而死道者慎勿為之前二星用之亦與此

星同也屈右手於前左手覆頭上使用之三

五指註指之皆言叱言是也求長生算極品

十一

位行往兵甲利但向日日中晴隱為之彼自

敗夫真人不受步躡受配衣於身上用之甚

驗但以修長生人夜卧存呼在左註女在右

肩上升人神安穩不畏一切人鬼為祟彼心

自伏往往如此一年之中辟非矣註夫配夫

一月日三為之一年之後用之如神出沒

**第四玄冥星** 註右手為魁右肘為魁右肩為

魁心為魁左肩為魁左膝為魁左足為魁魁

成指之四斗成卯酉生人主之註主之二用

總得一自用修行請福祿壽治身災厄疾病

二為別人總得若行禁惡之法七星總須用

百禁也屈左足於前右手覆頭上使用之三

五法註法甚能禁止兵火之事及官病為上

餘用七星同

**第五丹元星** 註左足為魁左膝為魁左肘為

魁心為魁右肩為魁右肘為魁右手為魁魁

指妖精邪魁五斗成辰申生人主之註主之

同第四星用之屈左足於前右手覆頭上用

之同前

**第六北極星** 註右足為魁右膝為魁右肘為

魁心為魁左肩為魁左肘為魁左手為魁魁

指用禁制六斗成巳未生人主之註主用同

前屈右足於前左手覆頭上用同前

**第七天關星** 註左手為魁左肘為魁左肩為

魁心為魁右肩為魁右肘為魁右手為魁魁

指用七斗成午生人主之註主之禁制一切

惡人妖鬼千精萬邪千鬼萬神作祟礙之者

皆悉用此星為指制也諸星雖依次用之步

星第數存用而禁制唯此天關之星獨能力

制天地之中鬼祟人物兵官疾病之事萬端

但行用之者速於水火

**夫七星有數種醮祭子須知之但能依科儀**

**而祭祭有時春正月二月中用本命日秋七**

**月八月中用本命日晴明祭醮除此不可亂**

**祭醮返却招禍莫言求福者也又常行步綱**

**須以春秋二度醮常也**註若行綱醮祀之人

每月修行須以每年二度祭醮兼上錢財并

酒脯齋食餘果時新之類祭之祭自有正文

儀在流珠經中下品此是後聖君告天師北

斗者是中斗也中斗九星下變為九靈步作

九跡謂之星綱為見鳥步星綱轉石木取蛇食禹學之三年術成能覆九斗配星於足以足指物即轉不知手為之後登剌山嶺之巔有神人謂之曰足履手指何以足履亦使足指王不見靈鳥足履指鳥拜之而受後得

道驅使神鬼蛟龍虎豹開決山川引理江河分別九州後登帝位方取道解易形變而昇太極註雖不得上清真人而在太極左木一之府掌下界之水早禹受神人註是毋猶子授禹言也言曰此看北斗者中斗天關星也註道家經言中斗大魁總監東靈知是即中斗是也大金鎖流珠品云今看北斗是中斗也有人幸急官兵并疾患求之速於水火用之在人心手相應不離人手掌身心亦有所主之訣在掌圖中

太上老君曰中斗主管四斗二十八宿星屬管也一日一夜周天一市北斗長敬而朝帝尊二大真星也其中斗第三星號真人星以管此天下求真仙之人所以修行學道之人故當合隨履不敢觸犯真人星恐有剋折人

之名命也並有九星亦須步綱時存念捨真人帝尊等三星之訣註談在金鎖流珠掌中訣又在心中存見三真常以一月之中五度步綱註綱亦有七星即不畫輔弼星也真人星位不令用逆不踴須履步之世號之曰躡

地紀今此法須步北斗七星除災度厄上生出死收攝凶人神鬼龍虎豹精妖崇毒蛇之類天地大魔皆須用北斗就配衣收指之即止不用中斗也其北斗七星正名斗牛女虛危室壁是也而用法正名即呼配斗君也即呼魁魁魁魁魁註緣人不知北斗正名所以呼陽明陰精非也此是中斗添益人年壽著功於人間陰與仙品與北斗同行之先從北斗修行以即中斗修之有功有厄求救救人速於水火驗也後聖君告總真曰卿與

吾傳至真上教須是志人註非人不傳志人今心志傳說教授如是志心之人即教授此法分付令得真人修行勿令志人失功損命卿則非總真人之任也吾令一一傳卿卿須一一傳教志人志人修行莫過於此也傳授

醮用註傳金鎖流珠正經之後點祭以畢則依此法行之後每日夜行用吾告祭以畢則註告命元初配七宿之名於五斗君也但一斗當直便即封名魁魁魁魁魁等位論天衛人自得其真修行常如合影圓封位者

任志人驅使註志人不以驅使七星蓋身如被衣之用不以存使魁關損無物命日則靜處步七星圖使魂魄俱與身同登也使身神常備體不散七星輝耀鬼神畏之合似合影出似合似其遺自真天地敬衛神鬼從使天魔保連三官奏功滿白日昇仙真人也行住坐臥莫得離身註志人存七星不論晝夜常思念蓋身一年身神如星光明也一年家真註如此行法一年眼中神光變為七星常蓋頭上知者往往開眼如見似七星之形長

數寸在頭額上有時居眉上有時入五藏之中智人知之想像存思自成七星在身也天魔地精百鬼見而自伏經云一年辟非二年合真註一年行住坐臥常存告封七星不休七星降精入至身中轉輪同行如轉天故名

含星真炁輪星真名入上清故能辟兵三年  
 定真註忘人行住坐卧常叩齒捨訣訣在掌  
 圖中名都監鄰師大道等三訣存七星不休  
 三官最於七星敢有留身又不致令三人定  
 忘人善惡功過上來天帝所以九會无文可  
 憑善惡便注入真仙落除死籍又無報傷怨  
 對身長復囑天網地紀无窮堅固不死定魂  
 制魂取真不退其心故名定真也四年地真  
 註忘人修行地紀又步天網行住坐卧不休  
 兼服靈符六甲三直如此之者得入中之真  
 故名地仙真且如經言地仙但單行步天網  
 或單行躡地紀即得地仙之位鬼神精果不  
 能干其一人身家親猶被惡神精妖所祟未  
 能鎮一家何況於他人如此得地仙人之位  
 但是天地神靈鬼精妖惡龍虎畏敬受使如  
 奴非但一家一身能以符力救護他人居  
 凶惡之地反為福德之鄉坐災禍之家消為  
 吉祥之宅神力既得如此不可妄行用如忠  
 良太上復聖二君切不許輕洩悞之五年之  
 後漸妙通神一七年註一七年行北斗七星

也又一七年行中斗七星此二七等星太平  
 全關後聖玄元玉皇上道君初符各封七星  
 衛佐人身名位號魁魁魁魁魁魁等仙品  
 位佑人令忘人受者立能取仙真也如有上  
 智忘人辨知此二等同修則一十四年得天  
 真之官白日上昇或兼家奉替則拔宅為犬  
 猶得同去何況人口同昇五斗當直註五斗  
 者東西南北各一斗也各七星并中十有五  
 斗斗有一君七星官各有名在金鎖第二卷  
 中後聖君初封地紀天關名七星魁魁等者  
 皆眾斗君差星官依魁魁等位當直也假令  
 春以東方君差角亢心房心尾箕直中斗為  
 號魁魁等用兼指也夏南斗秋西斗冬北斗  
 四季中四斗君主差所立北斗中斗也七斗  
 配衣用以單平坐魁頭向綱鳴鼓十五通註  
 前七斗配衣亦有出官修行法具在前項須  
 行出官畢然始配七斗衣後行用亦如之畢  
 方始步祝解五行大害  
 謹出臣註則玄等註是弟子妻子繼代孫即  
 餘人不合身中三五功曹云云金鎖流珠上

卷中舊亦有不似後聖君降授全具故亦言  
 也出官了即立先存手把景星先舉左足祝  
 曰三五舉足作萬神諾三五成萬神并三五  
 行隱影形入青雲便行事握固閉炁戴天柱  
 一過若消災厄急用左衛劍禹步步祝三五  
 首註三過請玉首建於水火其災自消  
 第一祝吾受天地炁當為天地使云云 在  
 流珠上卷中舊老君授  
 第二祝註後聖君下拜授天師吾生於父母  
 云云 流珠在上卷中  
 第三祝註太上道君教老君老君授於夏禹  
 禹反之出乾坤祝吾生於父母云云  
 第四祝註禹翻太上老君第三祝辭一句  
 得乾尊耀靈四字天降成成去災賜求長  
 祝常修行用此法賜禹禹編行之得道  
 乾尊耀靈註此四字禹言以註坤字天  
 演出順內管二儀交泰六合利貞配天享  
 求寧肅清應感玄黃上衣下裳震登良興  
 成離明巽王允生虎步龍翔天門地戶人  
 鬼行衛吾身者昊天旻蒼今日禹步上應

網鬼神賓伏下辟不祥所求如願萬靈无敢當叱咄註則玄一云是吾身中五苦八難九厄百病千災萬禍凶人惡鬼圖謀口舌天羅地網皆伏魁網之下無動無作急急如新心老君律令

第五祝註為步禳災求願祝常用修長生乾元重覆坤大厚載云云在流珠上卷中後聖告天師曰五首祝若但消災至三尊辟非二首止便步網收災禍人鬼他自伏休註計道前八首便步網網是北斗女虛中斗順例反

三又禹步三即止又須捨人鬼力支註支訣也三日災散事休即勿捨訣若求長生乃可悉用後九首祝註金鎖流珠上卷前後發靈出官祝啓天師常以甲子日收災客又云有災害病即行用不在甲子日收災客又云有

旬旬行一日註天師一旬二日修長生典中斗同修行又庚申本命六甲日註甲子甲戌甲申甲午甲辰甲寅日也修行之前修北斗後中斗別自有經在流珠中篇註金鎖經上篇四卷是其流珠中篇五卷是也謂太微天

帝飛步天網註用此音網紀之字不用此剛字本步到即是此字禹因理水登山剛步法成禹用之不方用剛地則法術此字即是經後聖君授故名大丹隱書上古謂玉籙後聖君改為流珠金籙改為金鎖別名曰太上隱

書註今人有不識之者第六北斗對圖七星无輔弼星也從斗第一星起男左足前登右足至牛星註是北斗星名二十八宿之數也次女星註皆順天道轉左是常令前發女即右足常令前發是次虛次危次室次壁星

也七星周遍以左轉身一而陰祝來生去死又禍去福生註此是順行也又倒行一遍倒行從第七星向第一星是也又逆行註從第一星向第七星是也即分為禹步求真次即禹步是禹演天網地紀出為禹步求真葉百

物人神龍物鬼精蟲獸蛇毒之怪等伏而勿殺拒而不伏者誅之其理有併五斗作三步九跡或三十五跡大禹步有一十五跡是此二等禹步去災出厄求仙入真之內訣矣註道士只知有飛天網之法而不知有地紀及

禹步之法但用二七年不獲神而非之為不神不靈之言非神仙之書且後聖君分明改示三五金鎖流珠之書三者一象天地人三元將軍上元中元下元三步網有訣禹步之時五色絲時訣訣在掌訣中若求長生檢司今日三百日若百禁檢某物日若敵兵檢天兵日大將軍日等用之

金鎖流珠引卷之一